



„UDRUŽENJE RUKOMETNIH SUDIJA“, Sarajevo

www.ursbih.ba



Na osnovu člana 35, stav 1, tačka 4. statuta Udruženja Rukometnih Sudija od dana 13.05.2003 broj 904-05-2-841 Udruženje Rukometni Sudija (u daljem tekstu URS) , na sjednici Upravnog odbora održanoj dana 30.01.2022. godine , godine **donosi**:

PRAVILNIK O NAPREDOVANJU PRIPADNIKA UDRUŽENJA URS – a

• OPĆE ODREDBE

Član 1.

Ovim Pravilnikom o napredovanju pripadnika URS-a (u daljem tekstu : Pravilnik), u cijelosti se uređuju sva pitanja u vezi sa načinom i mogućnostima napredovanja pripadnika – članova URS-a, (u daljem tekstu : Udruženje).

Napredovati mogu samo aktivni pripadnici. Pod aktivnim pripadnikom podrazumjevaju se sudije svih kategorija i kontrolori suđenja koji redovno plaćaju članarinu,taksu i ostvaruju aktivnosti u okviru svog zbora i organa RS BiH.

Član 2.

Pripadnik Udruženja može biti osoba koja ima položen ispit za rukometnog sudiju, odnosno kontrolora koja je položena do 1992 godine u bivšoj SFRJ, a poslije 1992 godine u Bosni i Hercegovini.

Izuzetno sudiji, odnosno kontroloru koji ima položen ispit izvan BiH i van navedenih godina, odlukom Upravnog odbora biće omogućeno da postane član URS-a (US RS BiH).

Članovi mogu biti aktivni i pasivni.

Aktivni članovi su oni koji obavljaju službene dužnosti tokom tekuće sezone, a pasivni članovi su oni članovi koji to ne čine po odobrenju matičnog zbora i najduže do jedne godine,koji nije izmirio svoje finansijske obaveze prema Udruženju, kao i sve ostale aktivnosti koji proizilaze iz Statusa.

Član 3.

Ispit kojim se stiče zvanje sudije mogu polagati samo zdravstveno sposobni osobe BiH sa najmanje 16. godina života, a ispit za kontrolora mogu polagati samo punoljetni građani BiH.Ispite organizuje Upravni Odbor Odlukom kojom nominuje organ za spovođenje iste.



- **SUDIJE**

Član 4.

Sudije su razvrstane u pet kategorija i to:

- Sudije druge kategorije,
- Sudije prve kategorije,
- Sudije kantonalne – entitetske kategorije,
- Sudije državne kategorije i
- Sudije EHF i IHF kategorije.

- **KONTROLORI SUĐENJA**

Član 5.

Kontrolori suđenja su razvrstni u pet kategorija i to :

- Kontrolor suđenja kantonalne kategorije – entitetske,
- Kontrolor suđenja državne kategorije,
- Kontrolor instruktor,
- Kontrolor suđenja EHF ili IHF kategorije i
- Kontrolor instruktor EHF ili IHF.

Član 6.

Premijer liga u BiH ima svoju listu sudija i kontrolora.

Prve lige imaju zajedničku listu kontrolora suđenja i sudija.

Lige i takmičenja mlađih starosnih uzrasta nemaju svoje liste sudija i kontrolora. One se formiraju prema trenutnim potrebama i u zavisnosti od toga koji organ vodi takmičenje. Ligu takmičenja mlađih starosnih uzrasta mogu suditi sve sudije i kontrolori, a prioritet imaju sudije sa nižim rangom takmičenja, u cilju edukacije.

Član 7.

Lista sudija i kontrolora je jedinstvena za utakmice muških i ženskih ekipa istog ranga takmičenja. Sudije i kontrolori mogu se nalaziti na osnovnoj i pomoćnoj listi.

Sudija sa osnovne liste kada sude utakmice nižeg ranga (na pomoćnoj listi) za istog se ne može vršiti kontrola suđenja. Osim toga liste se mogu dijeliti na A, B i C listu.

Član 8.

Utakmice u sistemu takmičenja prvenstva BiH i KUP – a takmičenja BiH sude najmanje:



- U opštini – (ukoliko postoji općinsko takmičenje) sudije sa liste općinske lige (sudije II i I kategorije);
- U kantonu – kantonalna takmičenja (ukoliko postoji taj oblik takmičenja) sudije sa Kantonalnom kategorijom;
- **U PREMIJER i Prvim ligama BiH** – sudije se lista tih liga koje formira i usvoji Predsjedništvo RS BiH na prijedlog UO USRSBiH – a i/ili matičnog Udruženja rukometnih sudija.

Član 9.

Utakmice u KUP – u BiH u kojoj se sastaju dva kluba različitog ranga takmičenja mogu:

- Suditi samo sudije koje se nalaze na listi sudije lige iz koje je klub višeg ranga;
- Kontrolori suđenja samo kontrolori koji se nalaze na listi lige iz koje je klub višeg ranga.

Član 10.

Dužnost super kontrolora ili komisijske kontrole obavljaju kontrolori sa više liste ili kontrolori međunarodne kategorije. Spisak kontrolora za super-kontrolore određuje UO URS-a, i dostavlja organu koji vodi takmičenje i obavljuje na zvaničnoj web stranici Udruženja.

• **POLAGANJE ISPITA ZA SUDIJE**

Član 11.

Zbor (podružnica) sudija ima pravo i obavezu na području svoga djelovanja organizirati seminar, a potom ispite za sticanje zvanja sudije II kategorije o čemu obavezno izvještava UO URS – a u roku od 10 dana od dana održavanja ispita, putem pisanog traga (e-mail) na službeni email Udruženja.

Član 12.

Kandidati za zvanje sudije **II kategorije** polažu teoretski i praktični dio ispita, s tim što su prethodno dužni predložiti ljekarsko uvjerenje da su zdravi i sposobni za suđenje rukometnih utakmica. Teoretski dio ispita obuhvata poznavanje Pravila rukometne igre s tumačenjima, i organizaciju URS – a i RS BiH, a polaže se testiranjem kandidata.

Praktični dio ispita obuhvata suđenje minimalno jedne utakmice i ispit fizičke izdržljivosti gdje je za navedeno zadužen matični zbor u kojem kandidat polaže.

Prvo se polaže teoretski dio koji je sastavljen od 30 pitanja, i može se polagati fizički ili on-line putem zvanične web stranice Udruženja, a nakon toga slijedi praktični dio ispita.

Član 13.

Ako kandidat ne položi teoretski dio ispita ne može pristupiti ni polagati praktični dio ispita.



Ako kandidat ne položi praktični dio ispita, ima pravo ponovno polagati nakon 30 dana, računajući od dana polaganja praktičnog dijela ispita. Ukoliko ni tada ne položi praktični dio ispita mora ponovo polagati cijeli ispit.

Kandidat koji položi ispit proglasit će se sudijom **II** kategorije datumom polaganja praktičnoj dijela ispita.

Za kontrolu kao i rezultate ispita potrebno je iste dostaviti na e-mail Udruženju, za kojeg će kandidata rezultati biti objavljeni na web stranici Udruženja.

Objavom na web stranici kao i unosom u sistemsku aplikaciju kandidatu će od strane Udruženja putem matičnog zbora biti dostavljena potvrda o uspješno položenom ispitu. Kandidat je dužan izvršiti uplatu godišnje članarine, kako bi isti mogao dobiti i člansku iskaznicu od Udruženja.

U slučaju ne dostavljanja i ne uvrštavanja u sistem kandidata, smatrat će se da isti nije položio te se kao takav ne može nalaziti ni ja jednoj listi i mogućim prijedlozima. U slučaju da kandidat nije na vrijeme prijavljen od strane matičnog Zbora, kroz kanal prijave (email Udruženja) isti naknadno ne može biti uvršten ni ja jednu od lista.

Rok za dostavu podataka kandidata od matičnog zbora prema Udruženju za objavu na web stranici i unosu u sistem je **30 dana od dana uspješnog položenog teoretskog i praktičnog dijela**. Navedeno važi za sve kategorije polaganja, kako bi Udruženje u sistemu imao adekvatnu i tačnu bazu podataka članova.

Član 14.

Sudija II kategorije stiče **I** kategoriju na prijedlog matičnog zbora, a odlukom udruženja koji izdaje odgovarajuće uvjerenje i o tome obavještava UO URS– a i SSK-a.

Sudija **II** kategorije biće preveden u sudiju **I** kategorije pod uslovom:

- Da najmanje 6 mjeseci ima **II** kategoriju;
- Da je kao sudija **II** kategorije osudio najmanje **10** utakmica; (**prilog-zapisnici sa utakmice**)
- Da u prethodnoj takmičarskoj godini nije ocijenjen nedovoljnom ocijenoin „ **1** „;
- Svojim radom, vladanjem i suđenjem utakmica pokazuje da može napredovati.
- Prema članu 13 ovog pravilnika stav 3,4,5,6

Član 15.

Kantonalnu kategoriju može steći svaki sudije **I** kategorije koji uspješno položi ispit.

Ispit organizuje i vodi SSK – a, a na osnovu prispjelih prijedloga od strane matičnih zborova. UO URS – a, donosi Odluku o raspisivanju polaganja kandidata za polaganje kantonalne kategorije. Ispit se može održati kao i do sad fizičkim prisustvom i on-line putem (teoretski dio).

Sudija **I** kategorije može polagati ispit za sudiju Kantonane kategorije ukoliko ispunjava slijedeće uslove za polaganje ispita za sticanje kantonalne kategorije:

- Posjeduje zvanje sudije **PRVE kategorije 6 mjeseci**;



- Kao sudija I kategorije odsudio je najmanje 10 utakmica; (**prilog-zapisnici**)
- Posjeduje 3 kontrole suđenja, od kojih je najmanje jedna od kontrolora suđenja državne kategorije, s tim da sve kontrole suđenja moraju imati najmanju ocijenu (3) „ dobar „ , a ukoliko se ona izražava u bodovnom iznosu, ta ocjene mora biti iznad sredine utvrđenih bodova za tu ocjenu.
 - Svojim radom, vladanjem i suđenjem utakmica pokazuje da može napredovati u suđenju, što potvrđuje i ovjerava matični zbor sudije.
 - Prema članu 13 ovog pravilnika stav 3,4,5,6

Član 16.

Prijavu za ispit iz člana 15. ovog Pravilnika sudija podnosi putem matičnog zbora, a ista obavezno sadrži:

- Prijavnicu za polaganje ispita sa biografijom (popunjenim obrascem sa ličnim podacima) – ili online putem web stranice Udruženja;
- Uvjerenje o prevođenju u I kategoriju dobijenu od strane Udruženja;
- Popis suđenjih utakmica;
- Popis kontrola suđenja; potvrdu o eventualnom igračkom stažu, izdaje RS BiH;
- Kopiju lične;
- Mišljenje matičnog zbora o kandidatu.
- Da je kandidat i matični zbor ispunio uslove prema članu 13 ovog pravilnika stav 3,4,5,6

Član 17.

Kandidati za zvanje sudije kantonalne kategorije polažu **teoretski i praktični** dio ispita.

Teoretski dio ispita obuhvata poznavanje Pravila rukometne igre s tumačenjem, i organizaciju RS BiH i URS – a, a polaže se testiranjem kandidata. Teoretski dio ispita može se polagati u pisanom, usmenom obliku i on-line ako tako odluči UO URS – a.

Praktični dio ispita polaže samo kandidat koji je uspješno položio teoretski dio ispita. Da bi položio i praktični dio mora dobiti dvije pozitivne ocjene od kontrolora suđenja državne kategorije s prvenstvenih utakmica seniora – seniorki.

Ako kandidat dobije jednu nezadovoljavajuću kontrolu određuje mu se i treća kontrola, a ako i tada bude ocjenjen nezadovoljavajućom ocjenom kandidat, nije položio ispit. Ako kandidat na prve dvije kontrole dobije negativnu ocjenu, nije položio ispit.

Član 18.

Kandidat koji ne položi ispit za sudiju Kantonalne kategorije ostaje sudija I kategorije.

Kandidat iz stava 1. ovog člana može ponovo polagati ispit nakon proteka najmanje 6 mjeseci pod uslovom da podnese prijavnicu i priloži novih 3 kontrola suđenja.

Ako kandidat ni tada ne položi ispit, novi ispit može polagati tek nakon godinu dana, pod uslovom da podnese novu prijavnicu u kojoj moraju biti sadržani podaci o novih 20 službenih utakmica i 5 pozitivnih kontrola. Ako kandidat ni tada ne položi ispit trajno gubi pravo plaganja ispita.



Član 19.

Državu kategoriju može steći svaki sudija Kantonalne kategorije koji uspješno položi ispit. Ispit organizuje UO USRS BiH. Izravno UO Udruženja a na osnovu Odluke može organizovat polaganje državne kategorije i unutar svog udruženja.

Sudije kantonalne kategorije može polagati ispit za sudiju državne kategorije ukoliko ispunjava slijedeće uslove za polaganje ispita za državnu kategoriju:

- Posjeduje zvanje sudije Kantonalne kategorije najmanje jednu godine;
- Kao sudije kantonalne kategorije odsudio je najmanje 10 utakmica;
- Posjeduje pet kontrola suđenja, od kojih su barem tri od kontrolora suđenja države ili međunarodne kategorije;
- Svojim radom, vladanjem i suđenjem utakmica pokazuje da može napredovati u suđenju što potvrđuje i ovjerava zbor sudija.
- Da je kandidat i matični zbor ispunio uslove prema članu 13 ovog pravilnika stav 3,4,5,6

Član 20.

Prijavu za ispit iz **člana 19.** ovog Pravilnika sudija podnosi putem matičnog zbora, a ista obavezno sadrži:

- Prijavnicu za polaganje ispita sa biografijom (popunjrnim obrascem sa ličnim podacima);
- Uvjerenje o položenoj KANTONALNOJ KATEGORIJI; (izdaje URS)
- Popis suđenih utakmica;
- Popis kontrola suđenja;
- Potvrdu o igračkom stažu, izdaje RS BiH;
- Kopiju lične – osobne karte;
- Ljekarsko uvjerenje
- Mišljenje matičnog zbora o kandidatu.
- Da je kandidat i matični zbor ispunio uslove prema članu 13 ovog pravilnika stav 3,4,5,6

Član 21.

Kandidati za polaganje zvanja sudije Državne kategorije polažu teoretski i praktični dio ispita. Teoretski dio ispita obuhvata poznavanje Pravila rukometne igre s tumačenjima, i organizaciju RS BiH, URS BiH, i/ili matično Udruženje, a polaže se testiranjem kandidata.

Praktični dio ispita polaže samo kandidat koji je uspješno položio teoretski dio ispita. Da bi položio i praktični dio mora dobiti tri pozitivne ocjene od kontrolora suđenja državne ili međunarodne kategorije kontrolora s prvenstvenih utakmica seniora – seniorki.

Ako kandidat dobije jednu nezadovoljavajuću ocjenu određuje mu se i četvrta kontrola. Ako i tada bude ocjenjen nezadovoljavajućom ocjenom kandidat nije položio ispit. Ako kandidat dobije i jednu negativnu ocijenu, nije položio ispit.

Sudija Kantonalne kategorije proglašava se sudijom Državne kategorije danom polaganja praktičnog dijela ispita / danom dobivanja treće pozitivne ocjene od kontrolora suđenja/ i ispunjenja uslova iz člana 13 ovog Pravilnika.



Član 22.

Kandidat koji **ne položi** za sudiju Državne kategorije, a na osnovu pismenog saopštenja od strane SSK-a, ostaje sudija Kantonalne kategorija.

Kandidat iz stava 1. ovog člana može ponovo polagati ispit nakon najmanje 6 mjeseci pod uslovom da podnese prijavnicu i novih pet kontrola suđenja sa najmanjom ocjenom „dobar“.

Ako kandidat ni tada ne položi ispit, novi može polagati tek nakon godinu dana, pod uslovom da podnese novu prijavnicu, novi spisak suđenih utakmica i novih pet kontrola sa ocjenom „dobar“.

Ako ni tada ne položi ispit trajno gubi pravo polaganja ispita i za sudiju i za kontrolora.

Član 23.

Zbor / podružnica sudija ima pravo donijeti odluku kojom ne dopušta svome članu polaganje ispita za višu kategoriju, uz odgovarajuće obrazloženje pismenim putem.

UO URS-a ima pravo, postupajući po žalbi kandidata, odluku Zbora sudija izmijeniti i dopustiti kandidatu da polaže ispit ukoliko je ispunio propisane uslove i ukoliko Stručna komisija Udruženja zaključi da kandidat posjeduje kvalitete za polaganje za višu kategoriju, o čemu se se obavijestiti matični zbor kandidata i sam kandidat pismenim putem od strane Udruženja.

Član 24.

Ispitnu komisiju čine tri člana koji su kontrolori, članovi SSK – e .

Ispitnu komisiju za sticanje zvanja sudije II kategorije imenuje UO Zbora sudija. Prevođenje sudija iz II u I kategoriju vrši UO Zbora sudija, a potvrđuje i ovjereva UO URS – a, preko SSK – e.

Ispitnu komisiju za sticanje zvanja kantonalne i državne kategorije imenuje UO USRS BiH, i/ili matično Udruženje.

Član 25.

Zbor sudija koji organizuje ispit za stjecanje zvanja sudije bilo koje kategorije mora poštovati visinu ispitne takse prema odluci UO Udruženja i koja je objavljena na zvaničnoj stranici Udruženja.

Ispitne takse iz stava 1. ovog člana uplaćuju se za svaku prijavnicu na račun Udruženja rukometnih sudija i iste su nepovratne. Uplatnicu može uplatiti i matični zbor za svog kandidata koji vrši polaganje za jednu od kategorija.

Član 26.

Sudija Državne kategorije stiče kategoriju sudija EHF i li IHF odlukom EHF ili IHF polaganjem posebnog ispita prema propisima EHF – a i IHF – a. Nominaciju sudija za sticanje međunarodne kategorije vrši Predsjedništvo RS BiH na prijedlog UO USRS BiH.

Da bi sudija Državne kategorije mogao polagati ispit iz stava 1. ovog člana potrebno je da kumulativno ispoštuje uslove:

- Da je za polaganje ispita EHF ili IHF kategorije predložen od UO USRS BiH;
- Da ispunjava uslove iz Pravilnika o napredovanju članova USRS BiH;
- Da Predsjedništvo da prijedlog i



- Da ispunjava uslove koje je propisao EHF, odnosno IHF;
- Da aktivno poznaje Engleski jezik;

Član 27.

Pripadnici URS – a mogu biti predloženi za projekat Young referees i kandidate za EHF sudije.

Young referees projekat mogu biti preloženi članovi URS – a koji ispunjavaju sljedeće uslove:

- Da su mlađi od 22 godine života (starosne granice određuje EHF),
- Da imalu položen ispit za državnu kategoriju, da se nalaze na C – listi Premijer lige ili A – listi Prve liga,
- Da poznaju aktivno engleski jezik.

Za kandidate EHF sudije, član URS – a, može biti predložen ako ispunjavaju slijedeće uslova:

- Da je mlađi od 32 godine života, (starosne granice određuje EHF)
- Da ima položen ispit za državnu kategoriju,
- Da se nalazi na listi Premijer lige bar B – lista,
- Da aktivno poznaje engleski jezik.

Sudija Državne kategorije stiče kategoriju sudije EHF – a polaganjem ispita prema propisima EHF – a. Nominaciju sudija za sticanje Međunarodne kategorije vrši IO RS BiH na predlog UO USRS BiH.

Član 28.

Sudija napreduje iz kategorije u kategoriju ili stalno ostaje u istoj kategoriji.

Sudija ne snosi nikakve posljedice zbog mogućeg ne napredovanja iz kategorije u kategoriju.

Član koji je uspješno položio ispit za pojedinu kategoriju, ni jednom se odlukom ne može oduzeti kategorija niti se vratiti u nižu kategoriju.

Član 29.

Sudije koji su kao igrači najmanje 10 puta bili članovi BiH države reprezentacije i igrači sa 10 – godišnjim iskustvom imaju posebne olakšice za polaganje ispita za sticanje zvanja viših kategorija. Sudije koji su kao igrači BiH državne reprezentacije ostvarili vrhunska dostignuća imaju posebne olakšice za sticanje zvanja sudija viših kategorija.

Kandidati iz stava 1. i 2. ovog člana moraju ispunjavati 50 % predviđenih uslova za ostale kandidate prilikom prevođenja ili polaganja za bilo koju kategoriju.

Odluke o ispunjavanju uslova za kandidate iz stava 1. i 2. ovog člana člana donosi UO URS BiH.

• POLAGANJE ISPITA ZA KONTRTOLORE SUĐENJA

Član 30.

Ispit za kontrolora suđenja kantonalne kategorije može polagati sudija državne kategorije koji je prestao suditi, a sudio je manje od 5 godina uzastopno prvenstvene utakmice u toj kategoriji.



Član 31.

Sudija državne kategorije, koji je najmanje 3 (tri) sezona, sudio najviši rang takmičenja u BiH, po prestanku aktivnog suđenja, proglašava se kontrolorom Kantonalne kategorije, i stiče pravo polaganja ispita za kontrolora **DRŽAVNE KATEGORIJE** odmah po prestanku suđenja.

Sudija državne kategorije, koji je najmanje 3 (tri) sezona, sudio niže rangove takmičenja u BiH, po prestanku aktivnog suđenja, proglašava se kontrolorom Kantonalne kategorije, i stiče pravo polaganja ispita za kontrolora **DRŽAVNE KATEGORIJE** nakon jedne (1) godine provedene u konatonalnoj kategoriji.

Sudije EHF ili IHF kategorije po automatizmu su kontrolori suđenja državne kategorije datumom prestanka suđenja bez polaganja ispita.

Upravni odbor UO URS BiH donosi odluke u vezi stava 1. i 2. ovog člana.

Član 32.

Sudije II i I kategorije ni pod kojim uslovima ne može polagati ispit za kontrolora bilo koje kategorije.

Član 33.

U principu, kontrolor, pod uslovom da su ispunjeni uslovi iz ovog Pravilnika, može kontrolisati sudije samo u rangu takmičenja u kojem je bio aktivni sudija, a samo u izuzetnim slučajevima i u takmičenjima za jedan rang više ukoliko UO URS– a ocijeni da je stekao iskustvo i kvalitet.

Ni pod kojim uslovima kontrolor ne može obavljati kontrolu suđenja sudijama koji se nalaze na listi sudija za jedan ranga više u odnosu na liste na kojima se on nalazio kao aktivni sudija.

Član 34.

Prijavu za ispit iz člana 30. i 31. Ovog Pravilnika sudija (kontrolor) podnosi lično, a ista obavezno sadrži:

- Popis obavljenih kontrola suđenja (obavezno priložiti kopije);
- Biografiju, datum polaganja ispita za sudiju, datume sticanja;
- Kategorije, godine suđenja u najvišem kategoriji i broj utakmica;
- Opis napredovanja u rukometu, priznanja, funkcije;
- Potvrdu o eventualnom igračkom stažu;
- Kopiju lične;
- Prijavu za polaganje ispita;

Član 35.

Kandidati za zvanje kontrolora kantonalne i državne kategorije polažu teoretski i praktični dio ispita. Teoretski dio ispita obuhvaća poznavanje Pravila rukometne igre s tumačenjem, te organizaciju URS BiH i RS BiH, a polaže se testiranjem kandidata.



Teoretski dio ispita može se polagati u pisanom i usmenom obliku ako tako odluči UO URS – a. Praktični dio ispita polaže samo kandidat koji je uspješno položio teoretski dio ispita. Da bi položio i praktični dio ispita mora obaviti kontrolisanje suđenja na dvije prvenstvene utakmice seniora – seniorki prema kategoriji kontrolora i ranga takmičenja na kojima mogu vršiti kontrole suđenja. Kvalitet obavljene kontrole sa stanovišta primjene Upustava o kontrolisanju i ocijenjivanju sudija, je Stručna komisija URS – a, verifikuje UO URS – a.

Ako jedan od kandidatovih ocjena odstupa od Upustava u bilo kojem saegmentu po ocjeni ispitne komisije određuje mu se treća kontrola. Ako i treća ocjena suđenja bude takva kandidat nije položio ispit.

Kontrolore Kantonalne i države kategorije proglašava UO, URS-a - USRS BiH.

Član 36.

Kandidat koji ne položi ispit za kontrolora suđenja Kantonalne kategorije ostaje sudija kategorije koju je posjedovao. Kandidat koji ne položi ispit za kontrolora Državne kategorije, ostaje kontrolor Kantonalne kategorije.

Kandidati iz stava 1. ovog člana mogu ponovo polagati ispit ponovo nakon najmanje godinu dana pod uslovom da podnese prijavnicu i predoči novih najmanje 5 obavljenih kontrola suđenja.

Ako kandidat ni tada ne položi ispit, novi može polagati tek nakon dvije godine dana, pod uslovom da podnese novu prijavnicu sa novih objavljenih 10 kontrola.

Ako ni tada ne položi ispit gube pravo polaganja ispita.

Član 37.

Kandidati koji su položili i teoretski i praktični dio ispita proglašavaju se kontrolori suđenja kantonalne, odnosno državne kategorije, datumom polaganja teoretskog dijela ispita odlukom UO, URS-a - USRS BiH, te objavljivanjem na službenoj web stranici Udruženja.

Član 38.

Zbor sudija ima pravo donijeti odluku kojom ne dopušta svome članu polaganje ispita za kontrolora suđenja.

UO URS ima pravo posupajući po žalbi kandidata izmijeniti odluku Zbora sudija i dopustiti kandidatu da polaže ispit cijeneći sve okolnosti iz odluke zbora i ocijenjujući da bi bilo korisno za Udruženje da se kandidatu dozvoli polaganje ispita.

Član 39.

Ispitnu komisiju za sticanje zvanja kontrolora suđenja čine tri člana koji mogu biti kontrolori koji moraju imati najmanje ispit ili veću kategoriju za koju kandidat polaže. Ni pod kojim uslovima član komisije ne može biti kontrolor koji ima manju kategoriju od one za koju se obavlja ispit.

Ispitnu komisiju za sticanje zvanja kontrolora kantonalne i državne kategorije imenuje UO, URS i USRS BiH u pisanom obliku.



Član 40.

UO URS BiH ima pravo propisati visinu ispitne takse za sticanje zvanja kontrolora kantonalne i državne kategorije, a koja se usvaja i objavljuje prije početka svake kalendarske/takmičarske godine i ista je javno dostupna na web stranici Udruženja.

Iznos koji je usvojen od strane organa uplaćuje se na žiro račun Udruženja.

Ispitna takse iz stava 1. Ovog člana uplaćuje se za svaku prijavnicu i ista je nepovratne.

Član 41.

Kontrolor napreduje iz kategorije u kategoriju ili stalno ostaje u istoj kategoriji.

Kontrolor ne snosi nikakve posljedice zbog mogućeg ne napredovanja iz kategorije u kategoriju.

Članu koji je uspješno položio ispit za pojedinu kategoriju, ni jednom se odlukom ne može oduzeti kategorije niti se vratiti u nižu kategoriju.

Član 42.

Sudije koji su kao igrači-ce najmanje 10 puta bili članovi BiH državne reprezentacije i igrači-ce sa 10 – godišnjim iskustvom imaju posebne olakšice za polaganje ispita za sticanje zvanja kontrolora. Sudije koji su kao igrači-ce, BiH državne reprezentacije ostvarili vrhunska dostignuća imaju posebne olakšice za sticanje zvanja kontrolora.

Kandidati iz stava 1 i 2 ovog člana moraju ispunjavati 50 % predviđenih uslova za ostale kategorije. Odluke o ispunjavanju uslova za kandidate iz stava 1 i 2 ovog člana donosi UO USRS BiH.

- **LISTE SUDIJA I KONTROLORA I STAROSNE GRANICE**

Član 43.

Sudije i kontrolori napreduju sa liste na listu na način da se obavezno moraju na svakoj listi zadržati najmanje dvije (2) godine.

Ako aktivni sudija završava sudijsku karijeru i postaje kontrolor, uslov da položi ispit za istu kategoriju kontrolora koju je imao kao aktivni sudija, uvrstiti na listu za jedan rang manje od lige na kojima je aktivno sudio, i može dalje napredovati ukoliko na istoj provede najmanje jednu sezonu.

UO URS-a utvrđuje prijedlog odluke iz stava 2 ovog člana.

Član 44.

Aktivne sudije i kontrolori kojima je izrečena disciplinska mjera ili su imali disciplinsku mjeru – kaznu u trajanju 2 (dvije) utakmice u posljednjoj takmičarskoj sezoni spadaju na niži rang takmičenja, u slučaju više kandidata, sa istim uslovima (ocjene), odluku donosi UO URS-a.

Za izrečene kazne u trajanju od 2 (dvije) utakmice aktivni sudija i kontrolor nakon 1 (jedne) godine provedene na nižem rangu, može se ponovo vratiti na najveći rang na osnovu prijedloga.



Sudije i kontrolori kojima je izrečena disciplinska mjera u trajanju od 2 mjeseca i više automatski idu na rang niže i kao takvi nemaju pravo napredovati dvije godine.

Aktivne sudije i kontrolori koji izdržavaju disciplinsku mjeru – kaznu ili im je ona bila izrečena u trajanju do 3 (tri) mjeseca i više, nemaju pravo napredovati u naredne tri godine od dana kada im ističe disciplinska mjera – kazna i obavezno se skidaju sa liste ranga takmičenja na kome su se nalazili.

Disciplinske kazne se zbrajaju, a opomena se ne smatra disciplinskom kaznom, nego se samo evidencira.

U kazne se podrazumjevaju:

- A-kazne matičnih zborova
- B-kazne odlukom UO, URS-a i URS RS BIH
- C-kazne voditelja –komesara lige
- D-kazne organa RS BIH

DISCIPLINSKE KAZNE SE SABIRAJU

Član 45.

Sudije mogu biti uvrštene na liste **sudija** pod slijedećim uslovima:

- **Za općinske lige**
 - Da nisu mlađi od 16 (šesnaest) godina ni stariji od 20 godina,
 - Da imaju II ili I kategoriju,
 - Da su predhodno odsudili najmanje 5 (pet) utakmica pod nadzorom kontrolora ili sudija najmanje kantonalne kategorije,
- **Za međuopštinske i kantonalne lige**
 - Da nisu mlađi od 18 (osamnaest), ni stariji od 23 (dvadesettri) godine,
 - Da imaju najmanje I kategoriju,
 - Da su predhodno odsudili najmanje **10** (deset) utakmica,
 - Da imaju najmanje 3 (tri) pozitivne kontrole koje su obavili kontrolori kantonalne odnosno državne kategorije,
- **Za međukantonalnu i drugu ligu**
 - Da nisu mlađi od 18 ni stariji od 27 godina,
 - Da imaju najmanje kantonalnu kategoriju,
 - Da su odustani najmanje **20** (dvadeset) utakmica,
 - Da imaju 5 (pet) pozitivnih kontrola od kojih 3 (tri) koje su obavili kontrolori državne kategorije,
 - Da imaju stalni uspon u kvalitetu suđenja i da su uvršteni u listu perspektivnih sudija,



- **Za „ PRVU „ LIGU,**
- Da nisu mlađi od **18** godine, niti stariji od **30** godina, - prvi dolazak na listu.
- Da obavezno imaju državnu ili kantonalnu kategoriju,
- Da imaju odsuđenih najmanje 30 zvaničnih utakmica,
- Da imaju 5 pozitivnih kontrola sačinjenih od kontrolora državne i međunarodne kategorije.

Za PREMIJER ligu

- da obavezno imaju DRŽAVNU KATEGORIJU
- da nemaju više od 33 godine, ili 40 za igrače-ce, sa beneficijama ukoliko prvi put dolaze na listu,

Odlučujući datum kod utvrđivanja starosnih granica je 01.08. koji je početak nove sezone u EHF.

Član 46.

Kontrolor suđenja zbog postignute dobne granice može postati kontrolor – instruktor.

Radi unapređenja stručnog rada, UO URS BiH ima pravo imenovati kontrolora instruktora kao pojedinca koji pomaže u edukaciji članova URS BiH.

Broj kontrolora instruktora nije ograničen.

UO URS-a svojom odlukom može kreirati i listu delegata koji ujedno obnašaju i funkciju mentorstva mladim sudijskim parovima koji dolaze ili napreduju kroz liste i kategorije takmičenja. Ovom odlukom definišu se mentorstva nad određenim sudijskim parovima, a na osnovu podnošenja pismenog zahtjeva od strane matičnog Zbora.

Odlukom o imenovanju iz stava 2. Ovog člana UO određuje kontroloru instrukturu okvirne poslove i zadatke, način rada, trajanje mandata i sve ostale nadležnosti u vezi sa njegovim radom i djelovanjem.

Dobne granice sudija i kontrolora suđenja utvrđuju se u skladu sa Pravilima RS BiH, EHF – a i IHF – a koje za sudije iznose 50 godina, a za kontrolore 65 godina starosti. Za kontrolore koji se nalaze na međunarodnoj listi 68 godina. Sudije i kontrolori koji navršavaju 50, odnosno 65 i 68 godina do 01. augusta, tekuće godine, mogu vršiti dužnost sudije, odnosno kontrolora, još i u narednoj takmičarskoj godini.

Član 47.

Pripadnici mogu biti uvršteni na listu kontrolora, ako imaju najmanje 40 godina života i ako su obavljali dužnost aktivnog sudije najmanje 10 (deset) takmičarskih godina. Dolazak kontrolora na najveći rang takmičenja zahtjeva najmanje 5 (godina) suđenja u najvišem rangu takmičenja.

U specifičnim situacijama odluku donosi UO, URS-a.

Ako zdravstveno stanje pripadnika ne dozvoljava aktivno suđenje isti može biti uvršten na listu kontrolora i da ne ispunjava uslove prethodnog stava, uz prethodno predočenje i mišljenje ljekara, nakon čega UO donosi Odluku o navedenom, a na osnovu pismenog zahtjeva člana.



Pripadnik koji koristi pravo iz stava jednog od ovog članova obavezan je predložiti UO Udruženja fotokopije dokumenata kojima se dokazuje navedeno zdravstveno stanje.

Član 48.

Dužnost sudije i kontrolora može obavljati samo aktivni pripadnik koji je položio potreban ispit u skladu sa ovim Pravilnikom i Pravilnicima o organizaciji rada URS-a, te je izmirio sve obaveze prema Udruženju.

Član 49.

Posjedovanjem zvanja kantonalne i državne kategorije sudija i kontrolora nema za posljedicu obavezno uvrštavanje na na koju listu sudija i kontrolora.

Posjedovanje kategorije EHF i IHF sudija i kontrolora, ima za posljedicu obavezno uvrštavanje na listu sudija i kontrolora, pod uslovom da se radi o zdravoj i psihički mentalnoj osobi.

• VREDNOVANJE SUDIJA I KONTROLORA

Svi pripadnici, sudije i kontrolori, vrednuju se i rangiraju primjenom pozitivnih mjera i manjivanjem utvrđenih bodova po određenim mjerilima.

Pozitivni bodovi

- Ličnost pripadnika, stepen završene škole – sudije i kontrolora
- III stepen 1 bod,
- IV stepen 2 boda,
- V stepen 3 boda,
- VI stepen 4 boda,
- VII stepen 5 bodova,
- VIII i IX stepen 6 bodova,

Sudijski – kontrolorski staž, primjenjuje se od 01.01.1996. godine

- Suđenje u nižim ligama – 1 godina 1 boda,
- Suđenje u drugoj ligi – 1 godina 2 boda,
- Suđenje u prvoj ligi – 1 godina 3 boda,
- Kontrolisanje suđenja na 2. Ligi – 1 godina 2 boda,
- Kontrolisanje suđenja n 1. Ligi – 1 godina 3 boda,
- Od dana polaganja (samo pod uslovom tačnog utvrđivanja podataka) za svaku godinu aktivnog suđenja ili kontrolisanja suđenja i u bivšoj SFRJ, pripadniku pripada po jedan bod. Prekidi se neće obračunavati.

Starosna dob – sudije i kontrolora

- Sudijama i kontrolorima se dodaje broj bodova koji je razlika između starosne granice utvrđene članom 45 ovog Pravilnika i godina starosti pripadnika. (NPR. Sudija ima 32 godine starosti i budući da može suditi do 50 godine starosti, po ovom osnovu



obračunava mu se 18 bodova .)

Aktivan sudijski staž sudija i kontrolora

- Aktivno sudio na listama IHF – EHF, svaka godina 25 bodova,
- Aktivno sudio jedinstvenu ligu BiH, svaka godina 20 bodova,
- Aktivno sudio drugu ligu BiH, svaka godina 10 bodova,
- Aktivno sudio kantonalnu ligu, svaka godina 5 bodova,
- Aktivan kontrolor na IHF - EHF, svaka godina 25 bodova,
- Aktivan kontrolor na Prvoj ligi BiH, svaka godina 20 bodova,
- Aktivan kontrolor na drugoj ligi BiH, svaka godina 10 bodova,
- Aktivan kontrolor kantonalne lige, svaka godina 5 bodova,

Rad u matičnom zboru i sudijskoj organizaciji – sudija i kontrolori

- Predsjednik ili sekretar ZRS 10 bodova,
- Ostale dužnosti (član UO, predsjednici komisija) 5 bodova,
- Predsjednik UO URS BiH 60 bodova,
- Sekretar UO URS BiH i članovi UO 30 bodova,
- Predsjednik skupštine i član nadzornog odbora..... 30 bodova,
- Članovi skupštine 10 bodova,
- Predsjednici komisija UO i članovi 10 bodova,

Bodovi iz ove tačke se zbrajaju i važe od prethodne takmičarske sezone.

Kvalitet rada kontrolora

- Tokom takmičarske godine ni jedan izvještaj o kontrolisanju nije izmijenjen 25 bodova,
- Na provjerama znanja (testiranju) nije imao ni jednu grešku 15 bodova,
- Na godišnjem seminaru održi predavanje koje UO ocijeni..... 10 bodova

Negativni bodovi

Tjelesni izgled – višak propisane mase za sudije

- Od 5 % do 10 %- 5 bodova,
- Do 20 %-10 bodova,
- Od 20 % i više- 20 bodova

Nekvalitetan izvještaj o kontrolisanju

- Poništen- 50 % bodova,
- Korigiran na jednom segmentu-10 % bodova,
- Korigiran na dva i više segmenata- 20 % bodova,
- Šturo i nekvalitetno sačinjen izvještaj bez jasnih uputa sudijama- 25 % bodova,

Svijesno i nesvijesno ne postupanje po odlukama UO u vezi sa kontrolisanjem i dostavljanjem izvještaja o suđenju



- Prvi put - 10 bodova,
- Drugi put - 25 bodova,

Disciplinsko kažnjavanje nedelegiranjem:

- Prvi put - 10 bodova,
- Drugi put - 25 bodova,

Disciplinsko kažnjavanje na vremensku kaznu, za svaki mjesec -20 bodova,
Nedostavljanje izvještaja o suđenju u propisanom roku:

- Prvi put - 5 bodova,
- Drugi i svaki sljedeći put - 10 bodova,

Ne otkaže na vrijeme ili neopravdan otkaz vršenja dužnosti:

- Prvi put - 5 bodova,
- Drugi put i svaki sljedeći put - 10 bodova,
- Za svaku pogrešku na obaveznom provođenju znanja - 5 bodova,

Nedovoljno i slabo suđenje

- Poništenje utakmice zbog sudijske greške, vremenska kazna - 50 bodova,
- Nedovoljna ocijena, vremenska kazna - 40 bodova,
- Zadovoljavajuća ocijena, vremenska kazna - 30 bodova,
- Po jednoj pogrešci na obaveznom testiranju - 5 bodova,

Neopravdan dolazak ili zakašnjenje na utakmicu:

- Prvi put - 5 bodova,
- Drugi i svaki sljedeći put - 10 bodova,
- Nedovoljna pripremljenost i slabo održavanje predavanja na godišnjem seminaru koje kao takvo ocijeni UO - 15 bodova,

Član 51.

Poredak kontrolora i sudija dobija se zbrajanjem pozitivnih i negativnih elemenata. Poslije svake takmičarske sezone potreban broj kandidata, po odluci UO URS-a, najlošije rangiranih na jednoj listi spadaju na nižu listu, a potreban broj najbolje rangiranih pripadnika uvrštavaju se u neposredno višu listu pod uslovom da imaju odgovarajuću kategoriju, a na prijedlog i analizu koja je dostavljena od strane SSK koji je kroz tekuću takmičarsku godinu pratila rezultate, ocjene i sam rad sudija i kontrolora Udruženja.

Izuzetno, ukoliko nemaju propisani staž i odgovarajuću kategoriju.

- **FORMIRANJE LISTA SUDIJA I KONTROLORA**

Član 52.

Uslov za formiranje lista za sve lige BiH u direktnoj je ovisnosti od broja liga i klubova koji se takmiče u njima, broja sudijskih parova i kontrolora po kategorijama koje imaju, prosječna ocijena u protekloj sezoni (učinak sudija i kontrolora).



Ukoliko su kod sudijskih parova identične ocijene, prednost u postavljanju na listu imaju sudije sa dužim stažom na listi i ako isti nisu kažnavani i ispunjavaju dobnu granicu propisanu članom 45. ovog pravilnika.

Član 53.

Svaka lista sudijskih parova i kontrolora dijeli se na tri grupe i to: A, B, C. U prvoj grupi moraju se nalaziti međunarodne sudije i kontrolori, te najkvalitetnije sudije i kontrolori državne kategorije, a u drugoj najprespektivniji pripadnici.

Član 54.

Sudije i kontrolori koji su se pismeno izjasnili da će dužnost obavljati još jednu takmičarsku godinu ili su to zbog godina starosti prisiljeni učiniti, mogu, prema odluci UO mogu biti delegirani na veći broj utakmica od propisane kvote na redosljed koji zauzimaju.

Član 55.

Na listu sudija i kontrolora ne mogu biti uvrštene one sudije i kontrolori koji se nalaze u sukobu interesa. Ukoliko za klub koji je u istom rangu takmičenja u funkciji člana skupštine, nadzornog odbora, člana upravnog odbora, trenera, igrača, ili njihov bliski srodnik u prvom stepenu srodstva u direktnoj liniji (sin, kćerka, brat, sestra, roditelj ili surpužnik) ne može biti uvršten na listu.

• KANDIDATI ZA SUDIJE I KONTROLORE EHF

Član 56.

Aktivne sudije BiH državne kategorije i kontrolori državne kategorije mogu biti nominovani za polaganje ispita za međunarodnu EHF kategoriju samo pod uslovom da se nalaze na listama „PREMIJER „lige.

Član 57.

Sudije mogu biti nominovane ako ispunjavaju uslove predviđene Pravilnikom EHF – a i ovim Pravilnikom a to su:

- Da na dan polaganja imaju najmanje 24. godine života,
- Da najmanje 5 godina sude zajedno u jednom paru,
- Da najmanje 4 godine sude utakmice „PREMIJER „lige BiH,
- Da na dan nominacije imaju prosjek ocijena veći od prosjeka cjelokupne liste „PREMIJER „lige,
- Da su državljani BiH sa neprekidnim prebivalištem u BiH u zadnjih deset godina,
- Da imaju najmanje IV stepen stručne spreme,
- Da aktivno sudjeluju u radu matičnog zbora i drugim organima rukometne organizacije prema povjerenim funkcijama,
- Da je zdravstveno sposoban i položio fizičke norme,
- Da je primjernog vladanja i
- Da aktivno poznaje engleski jezik.



Član 58.

Obaveza je UO USRS BiH da svake godine nominira najmanje jedan od parova za polaganje ispita za međunarodnu kategoriju.

Član 59.

Kontrolori za međunarodnu kategoriju predlažu se iz sastava kontrolora na „PREMIJER „ lige BiH uz slijedeće uslova:

- Da nije kažnjavao u posljednje 3 godine,
- Da aktivno poznaje engleski jezik,
- Da ispunjava propisane uslove EHF-a

• ZAVRŠNE ODREDBE

Član 60.

Tumačenje odredaba ovog Pravilnika daje UO URS – a.

Član 61.

Promijene i dopune ovog Pravilnika obavljaju se na način i po postupku predviđenim za njegovo donošenje.

Član 62.

Ako interesi pripadnika nalažu potrebu dopune i izmjene predloženog Pravilnika, UO, nakon toka rasprave, ima pravo i obavezu obaviti promijenu i dopunu Pravilnika u najkraćem roku od 1 mjeseca od dana prihvatanja i usvajanja predloženih izmjena.

Član 63.

Danom stupanja na snagu ovog Pravilnik, prestaju da važe svi ostali pravilnici koji regulišu ovu oblast.

30.01.2022. godine

Predsjednik Upravnog odbora URS-a:

vlastoručni potpis i pečat